

上海圖書館珍藏
顧廷龍主編

清代硃卷集成

(三六二)



成文出版社有限公司印行

頁數

[illegible]

本
冊
目
錄

本冊目錄	
副貢（浙江）科年	人名 頁數
丙午（二十六年）（一八四六）科	
	陸長春 二九一
	王錫琪 三一七
	方辛 三三七
	金均 三六九
	鍾慶槐 三七七
	方仁健 三八七



沈淳風

始祖持正

恩居湖州東林宋元豐三年遷至餘姚開風歸嘉議大夫

始祖母陸氏

從公長女

二世祖毅

宋進士累召弗起嘉議大夫

三世祖母張氏

三世祖億

宋紹興十二年進士累官至樞密使

三世祖母張氏

高祖懿

都侯命卿躬聘飲大賓

高祖母田氏

曾祖周岐

大學生

曾祖母王氏

字承淳號素園行 乾隆壬寅年六月

廿六日生紹興府餘姚縣附生民籍

曾伯祖聲遠

廩膳生

曾叔祖卜昌

邑庠生

鵠立大學舜徒

伯祖方來

郡庠生

天健

堂伯林阜

胞叔星輝

大學生

清光

嫡堂弟承業

承顏

承槐

承宣

胞弟承功

承暄

承寰

承均

娶勞氏

堂姪悅

恒

愉

姪懋

恂

祖天御 縣在堂

祖母陳氏

父耿光

母王氏

業師

茅景澍

邑庠生

錢泰川

乙卯科舉人

鄭學湖

乙卯科舉人現任錢塘學訓導

族叔肅清

族兄錫勇

其慶下

鄉試中式副車第七名

會試中式第

名

殿試第

甲第

名

子憬 校 慷

女二

族繁不及備載

住餘姚蘭風五車堰

浙江鄉試硃卷 第一房

中式副車第七名沈淳風紹興府餘姚縣附生民籍

同考試官紹興府蕭山縣知縣李 閱

薦

大主考翰林院編修武英殿書館纂修李 批

取

又批

精理爲文秀氣成采

大主考兵部左侍郎顧 批

中

又批

局度安閑機神諧暢

本房總批

聲澄心以凝思渺衆慮而爲言
佩實含華愜心貴當經義擷
毛鄭之精策學踵賈晁之
武詩律清新力追正始具此
雋才竝看扶搖直上

未易知此
筆力勁達

何如山立

夫達也者質直而好義察言而觀色慮以下人

沈淳風

詳達者自修之學功實而心愈虛焉夫達自有其真耳質直以爲主好義以爲行而又審言色以自下焉非皆目修之學乎且儒者志切開修不必先問其所感也亦問其所積已矣誠能以淳固之氣淑厥躬以揆度之宜應厥務而凡酬酢之間有精密無矜夸焉斯亦道愈高而心愈卑者矣爾以闇爲達是徒慕達之隆名而未知達之建諸也吾試思夫達也者由內以達于外則治內宜嚴率乎性不任乎情自立心而制行無一不當以誠爲本也由身以達

于世則持躬宜慎。無躁氣。亦無矜心。自處已而接物。無時不當以
虛爲迎也。吾見其天懷之敦篤。葆于厥初。肫肫乎緣飾有所不事
也。吾見其內念之精純。全其生理。坦坦乎偏黨有所不形也。蓋其
質直有如此。而猶慮質直者之矯枉而過正也。率真者每多專一
濟以義則質而有文。徑行者絕少。變通裁以義則直而方外篤而
嗜之。疊疊乎惟義是好也。而猶慮質直好義者之似是而非也。
理義以研而愈精。言色罔非考驗之資。質直亦審而愈密。觀察卽
屬修省之具。微而伺之。殷殷乎察言而觀色也。而且慮質直好義
者之挾一得以自矜也。虛其心于接物之先。唯恐以質直者凌人。

揭詞無情

收繳完密
滴水不滲

避其志于待人之際。非敢以好義者尊已中心藏之。抑抑乎下人。是。慮也。若此者。質直以植其基。既有以絕非義之干。而言色以審其從違。下人以異其廋。初不敢以任天而動。遠自信爲內心之無他好義以善其用。復有以裁質直之過。而觀察則浮躁胥屏。慮下則驕矜悉化。又曷嘗以循理而行。遂自恃爲素履之無恙。夫達者初何嘗自期于達哉。然而在邦在家達焉必矣。

本房加批

處處與下節反面對照爲務外者痛下針砭。綺交脉注精神團結一切浮光掠影之談刊落殆盡。

○○○所求乎子以事父未能也所求乎臣以事君未能也所求乎
弟以事兄未能也所求乎朋友先施之未能也

沈淳風

舉所求以自返聖人猶病其未能也夫子臣弟友固各有當盡之
道矣乃以之求人者卒未能自盡焉夫子所爲返之以自責歟且
夫日用倫常之地固吾人所視爲淺近而無難者也夫視爲無難
而責之于人寧得謂願望之已奢乃視爲無難而返之于己偏自
覺功修之多歟豈同此倫紀不欲寬其責于人者獨可諉其責于
己乎抑亦未嘗身體焉而實見其難也君子之道四我未能一夫

本房加批
婉轉入情

我非與君子同爲子臣弟友中人也哉。天經地義之良終古莫易。舉世之爲人子者而責之曰爾之事父必孝也。諒爲子者所不得而諉也。然而我亦猶是人子也。居恒誦明發而流連亦謂親恩罔極。固所自盡耳。乃追念前人而失怙。抱痛養莫遂于鄴邑。修墓增悲。淚空隕于防山。爲子如此。方自戚之不暇。而暇爲人戚也哉。則以求乎子者事我父。而我所未能者。此其一。鞠躬盡瘁之誼。有位皆知舉世之爲人臣者而責之曰爾之事君必忠也。度爲臣者所莫得而謝也。然而我亦猶是人臣也。夙昔歌明良而動色以爲異日得君亦當如此耳。乃瞻仰魏闕而致身何日。願未慰乎東周盡

情文相生
風神迥出

鍾鍊有光

禮懷慚節徒凜于下拜爲臣如此方自咎之不遑而遑爲人咎也
哉則以求乎臣者事吾君而我所未能者又其一至于則友因心
實爲千古恭兄之準以之求弟而弟固無辭也然我求乎弟而我
豈無兄爲念填吹伯氏有疾未謹其扶持配擇南容相攸徒厯諸
厥子平時禮訂少儀未嘗不嚴爲之繩而天顯之情偏若對我兄
而滋愧此其志曷由自慰也則我之不能事兄者有然若夫規過
勸善亦從來結納之常以之求友而友更無辭也然友爲我求而
我卽人友廼憶在齊八年徒負良朋之久敬于衛三至莫慰寡過
之虛衷居恒易擊商人未嘗不切爲之戒而中心之貺反若對我